





第一二五册

四庫全書

●上海古籍出版社

本册目次

宗忠簡集

龜山集

梁 谿 集

總目

宋宗澤撰……一
清樓昉編……一
宋楊時撰……一〇一
宋李綱撰……四九一

清 王庭曾重編

宋楊時撰……一〇二

宋李綱撰……四九一

欽定四庫全書

集部
宗忠簡集
御製文
卷一

詳校官庶吉士臣陳若霖
侍讀臣孫球覆勘

覆校官中書臣田尹衡
校對官中書臣吳俊
勝錄監生臣董邦本

御製讀宗澤忠簡集

偶閱宗澤忠簡集愛其乞回鑾諸疏不忍釋手既終卷乃知章凡二十四上而高宗漠然也夫南渡去今乃六百餘年讀其疏者未嘗不嘉其血誠賞其卓識歎其孤忠欲為墮淚而彼時為之君者聽宵小深入之言懷優游苟安之計屏之而弗顧是尚得為有人心哉以致捐中原棄赤子謬曰我終能延趙氏一脉於餘杭嗚呼人而至此是誠不知有五倫之事而天良喪盡者矣雖汪

欽定四庫全書

御製文
宗忠簡集

黃謬論有以憫之使高宗無偏安之心有必為之志亦馬能動聽則後之秦檜倡和議而稱一德亦必有以早窺其心曲也或曰宗澤之心雖誠以彼時南北之勢較之金源之勢其真可乘河北之民之心其真可信乎則興復之舉固未易言也曰然復讐其要也興復其次也不共戴天不反兵高宗於此蓋兩難之矣徒跣以從不顧一己之成敗利鈍可也而居臨安觀湖山稱姪於讐以徒得歸葬之骸骨是誠何人哉嘗謂人君者

天之子也俗云子雖不肖父不可不慈子則謂

天之於天之子子雖不肖

天不忍不慈遠固不可枚舉近則於宋元明見之矣元得統甫八十年立國之謨無足比數若宋南渡以後有明正嘉以旋其綱紀陵夷政事叢脞早應滅亡而不即亡者豈非

天父有不忍不慈之心而尚為之苟延其世以待其悛改乎然此不可恃也大君者父母之宗子而黎元者均

欽定四庫全書

御製文 卷之四

之一家內之人也今持家者苟不顧一家之人使之顛連而無告則其父母未有不怒怒而教教而不改其父母亦必有以處之矣為君者之於民亦猶是也嗚呼可不慎哉可不懼哉

欽定四庫全書

集部四

宗忠簡集

別集類三宋

提要

欽定四庫全書

御製文 卷之四

臣等謹案宗忠簡集八卷宋宗澤撰澤事蹟具宋史本傳是編自一卷至六卷皆劄子狀疏詩文襍體七卷八卷為遺事附錄皆後人紀澤事實及誥勅銘記之類也澤詠忠耿耿精貫三光其奏劄規畫時勢詳明懇切當時粗於和議不用其言亦竟無收拾其文者至寧宗嘉定間四明樓昉乃緝輯散佚以成是集然陳振孫書錄解題竟不著錄是宋末已不甚行蓋理宗以後天下趨朝廷風旨道學日興談心性者謂之真儒講事功者謂之謀霸人情所競在彼而不在此其沉晦不彰固其所也明崇禎間熊人霖始據舊本重刊國朝義烏縣知縣王庭曾又重為編定增入諫

止割地一疏而以樓貯原序及明初方孝孺序弁於篇首考史稱澤力請高宗還汴疏凡二十餘上本傳不盡錄其文今集中所載僅十八篇猶佚其十則其散亡已多矣乾隆四十二年九月恭校上

總纂官

紀昀

陸錫熊

孫士毅

總校官

陸費

墀

欽定四庫全書

宗忠簡集

三

宗忠簡集原序

靖康丁未高宗再使幹里雅布軍時敵情叵測中外危栗宗忠簡公守磁則決策留行於是適濟道鄆適大名適睢陽遂登大寶中興之業實德基焉宗公力也公之初意欲正位號係天下心因以羽檄天下兵濟師河朔旋軫售京其迂回宿留東南其轍者乃汪黃謀計非公本謀也公既與汪黃異議不復預開幕府事高宗藉其壯謀既留命居旋升尹正駕御羣雄招降劇盜兵強士勇欽定四庫全書

序 宗忠簡集

法立誅必敵連歲不敢犯境於是清宮除道謀還二聖奉迎大駕汪黃益忌之凡公奏請皆留中不下自傷不得展布疽發背以死公之勲業雖不克竟而英冤毅魄皦然與日月爭光可也昉兒時固已得公芳規於四明所刊遺事中真所謂膽大於軀者意其語言文字當亦稱是客授金華始復拜公像公之曾孫有德出示遺文若干種因為補綴而襲藏之適守南徐公松楸在焉會部使者為行簡攝郡事築僧廬於墓左初祠堂於學宮

總餉岳公珂太守趙公善相繼命有德主烝嘗所以風厲扶植之意甚厚郡博士方君符尤所鄉慕請以有德所授遺文鈔梓昉遂撮取遺事中所載表疏次第其日月而併刻之公前後奏請為回鑾而發者凡二十有其血誠赤心因可想見它文雖單言半字無非從忠義中流出公亡而杜充代帥王業偏安蓋始於此公之規模志節罕有能道之者況其遺文乎若諸公表揚忠烈例應得書嘉定辛巳十有二月鄧人樓昉拜手書

欽定四庫全書

宋忠簡集

國之廢興存亡蓋天也而有人事焉由其已然之跡而觀之人謀之從違事變之得失皆如預定而不可易者人力若奚所用自其未成之始而論之成敗禍福之機待人而發豈皆出于天命哉故善為天下者盡人事以回天道不善者委天命以急人事田單齊之壯士用一邑瘡殘之民復七十餘城不數月之間諸葛孔明以王者之佐驅全蜀之衆欲取中原之尺寸終其身而不能遂非特天命也人事之難易固不同也率赤子以救父

兄疾呼而可集說途之人使拯其鄰于難雖善其辭令有所不從賢者能勉人以其所樂為不能強人以其所難勉單之用齊人人皆有亡國喪家之憤而自為戰故其成功也易孔明之時人知有曹氏不知漢德久矣孔明徒欲以忠義激之安能必其從已乎宋敗于金而不復中興人以為天命而不知人事失其機故也張浚趙鼎可謂天下之賢相而韓世忠岳飛劉錡之徒亦一時之將材高宗雖庸懦豈遽出法章下哉然而沮撓而不

欽定四庫全書

宋忠簡集

足成事者以其初不用宗忠簡公之言耳徽欽之亡在乎兵不足戰而忠簡公既入都城百萬之兵立具爭欲為之致死忠簡之賢固足以得衆而斯民戴宋之心亦安可誣哉當是時也正田單復齊之機而忠簡公孔明之流亞也使高宗能用其策公少延歲月未死則覆沒之地可以迅掃而平敵人可以縛而獻諸太廟豈有憾國事讐之辱哉失此不聽至于竄伏東南而欲圖之則民心之忘宋亦已遠矣是以終不能有所成非特秦檜

湯思退之罪也人無勇怯惟其所用乘其方銳而用之
中人皆可為壯夫及其氣衰忘懼雖烏獲亦投劍而却
顧公之拳拳欲高宗都汴者欲用天下之銳氣以復讐
雪耻而高宗信小人畏避之謀棄不復聽而公亦死矣
斯豈天命使然耶實人為之不盡也公沒今三百餘年
而請高宗還汴之疏二十有四不盡載于史氏其九世
諸孫濟錄藏于家而屬余序之公忠義著于後世不待
疏而後見疏之所著不待言而後明然世皆知宋之不
復振由于秦檜之相而不知始于不用公之言余是以
具論之使知此疏之不從實宋室之所由分也方孝孺
譔

欽定四庫全書

宋忠簡集

四

欽定四庫全書

宋忠簡集卷一

宋 宗澤 撰

劉子

上大元帥康王劉子

某恭惟太祖皇帝創業垂統當傳之億萬世今方二百
年豈謂仇方橫肆邀迎一聖與諸親王渡河北去天下
百姓所注目繫其望者惟大元帥康王一人大元帥
行之得其道則天下將自安宗廟社稷將自寧二帝二

欽定四庫全書

宋忠簡集

一

后諸王將自回彼之仇方將自剗絕殄滅大元帥行之
不得其道則天下從此而亂宗廟社稷亦從此而傾危
二帝二后諸親王無資緣可回仇方愈熾亦無因緣而
亡此事在大元帥行之得其道與不得其道耳某所謂
道者其說有五一日近剛正而遠柔邪二日納諫諍而
拒諛佞三日尚恭儉而抑驕奢四日體憂勤而忘逸樂
五日進公實而退私偽是五者甚易知易行然歷世莫
能知能行者繇剛正諫諍恭儉憂勤公實之事多逆於

心也。系邪說佞諂奢逸樂私偽之事多遜於志也。伊尹曰：有言逆于汝心，必求諸道；有言遜於汝志，必求諸非道。合諸道者君子也，合諸非道者小人也。願大王於應酬答問之間，以茲五事卜驗則君子小人了然分矣。某之血誠痛切，每思我家本嗣無疆，今勢孤危，岌岌如此。某願大元帥大王左右嘗膽不忘，在濟時夙夜羹牆，不忘我祖宗。時則天下可安，宗廟社稷可寧。二帝二后諸王，可回仇方，雖熾可剿，絕殄滅夫何遠之有。在大元帥大王力行之而已。

欽定四庫全書

宋忠簡集

條畫四事劄子

臣聞情生於愛，愛生於見。見生於目之所遇，與左右之所接。所遇所接，果順於已，則喜；喜則賞之。賞之者，非戀其功也。賞其順而已耳。所遇所接，果逆於已，則怒；怒則罰之。罰之者，非罰其罪也。罰其逆而已耳。如是，則賞罰出於喜怒，喜怒出於逆順，可謂之公而無私乎？賞罰徇私，其何以礪世磨鈍，大有為於天下乎？聖人無我

欽定四庫全書

宋忠簡集

故忘情忘情，故忘逆順；忘逆順，故忘喜怒。故賞一善而天下之為善者勸，知其非私善也；罰一惡而天下之為惡者沮，亦知其非私惡也。一賞一罰，歸之至公，而我無容心焉。人其不心悅而誠服者乎？陛下所以號令天下，使人知所趨知所避，知所行知所止者，賞罰而已。昔文王一怒而安天下之民，武王亦一怒而安天下之民，是怒也。豈發於目之所遇，與左右之所接哉？彼仇方橫肆，兇暴侵犯我王室，臣願陛下如文王武王亦一怒而安天下之民，有賞有罰，惟平惟一，至于應酬萬機，進退取予之際，斷之至公，以慰天下之望。

臣聞人君職在論相，昔舜有天下，選於眾舉皋陶，不仁者遠；湯有天下，選於眾舉伊尹，不仁者遠。皋陶贊舜去四凶，而後九德咸事，庶績其凝；伊尹贊湯革夏而後成，有一德格于皇天，是知不仁者遠不能播其惡于眾，始能使眾賢和於朝，更相汲引以成大功也。以人君身居九重，其彌縫變理，鎮撫表正，但仰成于朝而已。高宗得

傳說而商中興憲宗得裴度而唐中興臣願陛下于稠人廣衆中不以覲疎不以遠近不以夢不以卜虛心考驗參以國人左右之言爰立作相伴之應變守文果得其人能率厲衆志交修不逮其在位皆節儉正直小大之臣咸懷忠良以持天下之正以成天下之務天下其有不小治者乎陛下果遵道德遠邪佞與大臣言欽而信毋使小人叅馬與賢者遊親而禮毋使不肖者與馬用賢勿貳去邪弗疑斯言行而天下治矣書曰知之非艱行之惟艱知之不行無益也行之不至無益也茲事在陛下力行之而已矣

欽定四庫全書

宗憲問集

四

臣伏聞李絳見憲宗于浴堂殿帝曰比諫官多朋黨論奏不實皆陷謗訕欲摘其尤者如何絳曰此非上意必憮人以此榮誤上心自古納諫昌拒諫亡夫臣進言于上豈易哉君尊如天臣卑如地加以雷霆之威彼晝夜思度如欲陳十事俄而去五六及將以聞則又憚而削其半故上達者纔十二何哉千不測之禍顧身無利雖

開納獎勵尚恐不至若譴訶之使杜口非杜稷利帝曰非卿之言我不知諫之益且人君深居嚴密又以疏縱蔽其聰明所以見天下之是非開天下之情偽者盖用諫官代為耳目俾姦邪讒慝不敢掩其不善而見其善者也唐高祖太宗初即位嘗賞孫伏伽蘇世長以激諫臣恭惟陛下聲色貨利弗通弗殖舍已從人樂取諸人以為善固無可諫者至於臣下懷姦藏惡嫉賢蔽善敢肆欺罔苟朋比者當使耳目之臣廣其聞見瀝心彈糾毋有所隱以絕後艱

欽定四庫全書

宗憲問集

五

臣聞天下之事為於可為之時則成為於不可為之時則敗成敗之機間不容髮是以古人有時哉不可失之語恭惟陛下繼離之照法乾之剛故見幾而作炳果斷而罔後艱成敗之幾不出昭回之鑒臣復何言臣誠心祗思徇國久荷眷遇臣非木石能不自知然臣每見事有當行請之必力言既拙直勢甚孤危願陛下察臣之求力賜保祐使全骸骨以盡餘年臣之惓誠言不盡意

奏乞過河措置事宜劄子

臣契勘河北西路真定懷衛濬等處見有敵人占據今又分留敵馬於洺州四向劄寨密截鹿角意欲攻打若河西諸州不守即彼之姦計包藏不淺京師雖為備禦未易可居臣為見有上件事宜已於今月初七統押人馬自游家渡過河會約河西忠義統制等高議隨宜措置若事理可行即一面招集同心協力以圖收復安集流移為久速利若敵勢厚重不可施行即具所見利害

欽定四庫全書

宋忠簡集

六

的確便宜畫一敷奏伏望聖慈體念河北繫天下根本河北不守則干戈矢矢豈易索戰臣每思前日之失蓋繇將相恃賴太平恬不為恤朝進一言暮入一說惟以講和乞盟為意今更浚襲不習武備臣竊憂之兵法曰先為不可勝以待敵之可勝臣不揆衰繭無能見過河相度別具奏聞者

狀

大元帥府勸進第二狀

某等累狀乞大王早決大計以安人心伏惟降到劄子所請難議施行者屢布忱誠仰祈洞鑒茲叶案區之願實繫宗廟之休豈謂隆譙未蒙昭允竊以四海之遠必發號施令然後上下孚必信賞必罰然後小大服深惟軍國之重可虛宸極之尊二聖播遷羣黎翹佇念祖宗積累垂無疆壽養之恩而仇方貪殘起不測侵陵之變有疎早悟遂致稔姦雲甲霜戈共力追於朔野天旌龍馭期早復於皇居然推戴有繫於人心況寄託已彰於

欽定四庫全書

宋忠簡集

七

天意尚稽獨斷曷慰輿情伏望大王以聰明之資振久大光明之業以智勇之略弭變亂窺竊之風鞏固洪圖措安大器不得已臨蒞赫手羣目之瞻惟式克欽承賈乃萬方之聽某等無任祈求懇切俟命之至

乞大元帥於南京開府狀

契勘張邦昌久在敵中范瑗亦自草野中起恐其包藏陰與敵結凡事未可容易憑信某十日前因與汪闕咨目乞密稟大王且於南京開府想旬浹間便可如意

一京城是祖宗應天受命長發之地二道路居中四方萬里便於申稟三臨下流諸處漕運尤易辦集四於拱寧屯兵為嚴守計五可斷北來餉道敵雖蠢當自破滅却令某統領見所管諸處節制人馬盡數前去京城十里以來劄寨齋大元帥榜文敘哀痛懇切未忍遽歸瞻望宗廟朝廷與省府舊官閭巷父老相見哽噎眷眷之意觀人心篲竹懇切然後按轡徐行庶為萬全不至落敵姦便其下情不勝瞻慕之至切望哀亮血誠早賜敕定四庫全書

宋忠簡集

施行

信王咨目

某咨目頓首上呈領尹元帥延康台座春和伏惟輔國宣勞神相忠勤台候多福某切以國家多艱金人入寇兩犯京城劫遷二聖下及血屬三千餘口長驅北去某到慶源遽謀逃竄得敵中忠義數人為力遂脫羶網今具河北事宜利害敷奏聖上竊恐姦臣賊子障蔽難達某素知公梗槩敢為竭節報國遂再具奏煩公多方繳

奏使之得到御前得兵速至不勝萬幸自餘更冀上為廟朝倍保台重前膺大拜祝望之至不宣

疏

奏乞依舊拘留敵使疏

建炎元年六月

臣伏見我國家承平幾二百年數世戴白之老不識兵革上下恬嬉猶夷度日不復以權謀戰爭為念乃以仇方誕謾為可憑信朝廷恬視不少置疑不惟不曾教人坐作進退擊刺挽射之技俾嚴攻討其間有實欲賈勇

欽定四庫全書

宋忠簡集

九

思敵所愼之人士大夫不以為狂則以為妄因循苟且以致仇方顛越不恭遂有前日之禍臣不勝憤恨然茲非仇方之能也皆繇無誠實之士鼓倡驕逸率以斂跡逃避曲辱不恥為智為勇耳萬一有慷慨論列則掩耳不聽別造佞說以相浮動竊無他大抵只欲助敵張皇聲勢直為我祖宗一統基業更不當顧藉宜兩手分付與仇方耳嗟乎何不忠不義之甚也臣每思念涕泗交下繼之以血此天地神明之所昭鑒臣恭惟淵聖皇帝

靖康之初信此和議俾敵大獲而歸去冬與今春夏仇方猖獗大臣桑邪諛佞蓄縮畏避者不敢略有抗拒語但以詭譎為誠實包藏為智謀緘默為沉鷺遂致二聖蒙塵后妃與親王無辜之民流離北去想陛下龍潛濟鄆嘗親聞見張邦昌耿南仲輩所為也陛下入繼大統即將前主和議者竄之嶺外使天下冤抑之氣一旦舒快自後臣竊聞陛下日與二三大臣論思講畫必欲大雪我廟朝之恥激厲卒伍勸率義士俾思剿絕以正夷夏不意陛下復聽姦邪之語又浸漸望和迂回曲折為退走計臣願陛下試一思之陛下初即位何故以講和為非遂當世議臣陛下近日又何故只信憑姦邪與仇方為地者之畫營繕金陵迎奉元祐太后仍遣省官迎太廟木主棄河東河西北京東京西淮南陝右七路千百萬生靈如冀壤草莽略不顧恤比仇方遣姦狡小醜假作使偽楚為名來覲我大宋虛實臣見如是因納諫狀與留守范訥乞收仇方奉使之入置之牢控秦

取朝廷指揮庶激軍民士庶懷寃之心俾肯力戰仰贊陛下再造王室中興大宋基業之意今却令遷置別館優加待遇臣奉此詔命憂思涕泣心欲折死不知二三大臣何為於仇方情款如是之厚而於我國家訐謗如是之薄臣每思京師人情物價漸如我祖宗時若鑾駕一歸則再造之功與中興之烈必赫然宏大踰商周而越漢唐矣何姦邪之臣尚狃和議惶惑聖聰伏望陛下察之臣之樸愚不敢奉詔以彰國弱此我大宋興衰治亂之機也臣願陛下思之陛下果以臣言為狂願盡賜褫削投之瘴烟遠惡之地以快姦邪賊臣之心不勝痛憤激切之至

條畫五事疏

臣衰老孱愚誤膺簡記但思澀竭知無不為凡所敷奏仰干天聽過蒙採納委曲俞允臣非木石豈不知感但有經從三省與樞密院事有端阻抑幾不可行臣欲隱忍不言首鼠承稟切慮事干國體臣雖萬死奈宗廟朝

廷天下根本與數百萬生靈何臣所管留鑰與畿甸事
所繫實大願陛下憐憫孤忠毋以近言惶惑聖聰臣且
以近日三省樞密院戒約之文臣有五疑焉器甲械用
納襖衫兵幕之類皆椿管準備不得擅有支遣今遣
將出師此是軍中合用之物不可闕誤而先行椿管不
容支遣此一可疑也臣近召募人於四城劄寨為守禦
之備今承問所召募之人係是何等色額如此則古人
使貪使愚者皆不可憑信矣二可疑也臣為見尋常防

欽定四庫全書

宋忠簡集

上

河只以數千卒伍沿河分布敵有數騎侵犯即奔走潰
散不復支吾臣今合京畿十六縣內有兩縣瀕河共七
十二里均之諸縣縣管四里有畸各令開河闊一丈八
尺於南岸埋鹿角連珠劄寨敵有侵犯併力禦之已蒙
聖慈矜允行之亦似允當今樞密院行下約束只令依
做陝西以三七分為率三分出戰七分出助軍錢陛下
念畿縣居民例遭殘破平時保甲十七五六若止用此
其寔無幾況重遭傷殘之餘勞來安集之猶恐散去又

烏可以助軍錢阨之使速去耶此三可疑也今歲守禦
之具與城池之備雖已粗辦尚多鹵莽未能如舊去處
必須曉夕修造補葺繕備今三省樞密院指揮諸場庫
務如修城造器械見催工役不令支錢今修城雜場與
軍器監入作司皆縮手無所為此四可疑也夫人之情
無大小無貧富靡不懷鄉土顧妻孥戀墳墓舉千萬人
貌雖不同情即皆一歷世聖王所以成天下之大順而
得多助之至天下順之者以能順人之情而已矣臣伏

欽定四庫全書

宋忠簡集

上

想陛下貌貅扈從億萬之衆多西北人陛下無偏聽三
四重臣之言試廣詢僉同叶從之輿論斷自淵衷以決
行幸臣竊見僕射黃潛善樞密汪伯彥張懋皆無遠識
見無公議論偏頗頗回過惟富貴是念朝入一言暮入一
說皆欲贊陛下南幸此五可疑也伏望聖慈察臣之忠
聽臣之言早賜睿旨

再奏乞修實錄宮疏

臣昨奏乞修實錄宮為淵聖皇帝他日洫止之所未蒙

降旨臣聞有子曰孝弟也者其為仁之本與知孝弟則不犯上不犯上則天下治矣恭惟陛下孝於道君則天下莫不愛其親陛下弟於淵聖則天下莫不欽其兄是知上有所好則下必有甚焉者矣此所謂以身教者也臣竊見隆德宮面勢聳飛孔安如舊將來迎奉道君皇帝自可臨御願陛下預勅有司洒掃嚴潔使天下知陛下孝於父淵聖將來還歸未有蒞止之處臣欲乞修寶籙宮改建以為迎奉之地使天下知陛下弟於兄也推

欽定四庫全書

宋忠簡集

十四

而行之薄海內外父子兄弟黎民不時雍而萬國不咸寧者未之有也如蒙俞允伏望斷自淵衷御前處分行下付臣施行

乞都長安疏

聖宋都汴城垂二百年天下未嘗有大吠之警靖康初年金人兩犯京闕兵將失守遂致二聖播遷臣子言之可為痛哭陛下繼承大統即位南京顧非不知宗廟社稷之所在而都人士庶之望幸也時金人退師之初大

姦擅國之後或慮舊染未浚包藏不測固將有所待也臣區區愚衷每輒過計切以京師者諸夏之本根素號四通八達之郊舟車輻輳民物浩穰方天下無事而居之實為萬世之長利也今仇方猖獗動至畿甸恐議者慮今秋長驅南來不過請陛下還都而已洛陽既已殘破大名稍近賊境必曰南都可矣若以其俯臨清汴緩急之際可以順流而下轉至江淮虎踞龍蟠金陵可都大不然也且並進而深入擣得金人巢穴以迎二聖陛下

欽定四庫全書

宋忠簡集

十五

駐蹕長安則金人必不能西向潼關中原豪傑盡樂為陛下用內外之患皆可消弭而祖宗大業可以永保而傳億萬世天下既定東還京師亦不晚矣臣狂愚言不足採惟陛下留神而聽之天下幸甚取進止

奏給公據與契丹漢兒及被擄之民疏

建炎三年四月

臣契勘金人一族本大遼之臣曩緣羣臣姦謀苟以目前之利相結壞亂耶律天祚使金人假大遼之衆侵犯中國竊見契丹漢兒自與我宋盟約幾百年實唇齒凡

弟之邦偶被金人殺擄忿怨不已止緣勢弱未繇報寬
今若復約盟會使得回戈共力破敵一舉便可滅亡臣
以措置彫印文榜公據令生獲漢兒齋往傳報自相激
發設契丹漢兒未遽效命金人知之必相疑貳庶乘機
併力賊勢可分所有本朝被擄良民臣亦依此措置曉
諭今繳連文榜公據共三本在前者

乞回鑾疏

建炎元年知開封府通前
後奏疏係第一次奏請

臣聞三代之得天下也得其民也得其民有道得其心

欽定四庫全書

四

字忠簡集

十六

也得其心有道所欲與之聚之所惡勿施爾也是則得
民之道在察其心之所欲與其心之所惡而已此古所
以有天時不如地利地利不如人和之語求民之和豈
必家至戶到一一而求之哉應天順人承天下之大順
則民不期和而自和矣臣蒙恩差知開封府臣雖衰老
無能然久知開封染習諸統制下皆是招集惡少亡命
無行者臣既領府事更不敢徇身自顧但以正道歷誠
感之不旬浹間彼惡少輩咸知格心燦謀斂迹遁去其

閭巷間亦自然倏改上下帖然無復肆橫以是人鼓
舞仰陛下之威懷陛下之惠拳拳慕戀不啻嬰孺之愛
父母咸思發憤敵其所讎臣每聞王畿內外日久嘉靖
熙熙皞皞將如向祖宗慶祐熙豐時臣觀人心念念俟
望者惟願陛下六龍之御警蹕之聲千乘萬騎來歸九
重以副萬邦切切繫戀之誠

再乞回鑾疏

建炎元年七月通前後
奏疏係第二次奏請

臣聞禹之行水行其所無事所謂無事者非泊然無所

欽定四庫全書

四

字忠簡集

十七

為於事也事無事而已夫禹蒙天錫洪範九疇知水有
順下之性且親見堯有洪水滔天績用弗成之患遂因
水之性而順道之故天下免乎昏墊而奠厥攸居茲無
他皆堯用禹之功也臣竊聞將士籍籍皆願陛下歸京
師云京師是衆兵駐劄之本根也商旅籍籍皆願陛下
歸京師云京師是天下賈販之要區也農民籍籍皆願
陛下歸京師云京師是天下首善之地也士大夫懷忠
義者籍籍皆願陛下歸京師云京師是陛下祖宗之域